
МАРҒИЛОНДА БУРСА УЛУДАҒ УНИВЕРСИТЕТИ ФИЛИАЛИ ОЧИЛАДИ

Фарғона вилояти ҳокимлиги, Инвестициялар ва ташқи савдо бошқармаси, Савдо-саноат палатаси ҳамда Туркия Республикасининг Бурса вилояти ҳокимлиги, Бурса Улудағ университети проректори, Бурса савдо-саноат палатаси вакиллари иштирокида онлайн видеоконференция тарзида учрашув бўлиб ўтди.

Унда вилоят ҳокимининг ўринбосари М.Абдурахмонов Фарғона вилояти тўғрисида қисқача сўзлаб, ўзбек ва турк халқларини азалий дўстлик, биродарлик ҳамда қардошлиқ ришталари ўзаро боғлаб туришини, ҳар икки халқнинг дини бир, маданияти, урф-одатлари ўхшаш эканлигини таъкидлади. Туркиянинг ривожланган саноати, транспорт коммуникациялари, денгиз йўллари, қишлоқ хўжалиги, туризм салоҳияти, улкан давлатчилик тажрибаси Ўзбекистон учун долзарб аҳамиятга эга эканлиги хусусида ҳам айтиб ўтди.

Мамлакатимиз Туркияни Марказий Осиёда энг асосий шерикларидан бири деб билади. Охириги уч йил ичида юртимизнинг улкан бозори, тобора либераллашиб бораётган иқтисодиёти, қулай инвестициявий муҳити, Ўзбекистон—Туркия муносабатлари ривожланиб бораётганлиги ҳамда ўсиш даражаси ўзаро ҳамкорликнинг барча жабҳасида кўзга яққол ташланаётганлиги ҳақида ҳам фикрлар билдирилди.

Учрашувда Марғилон шаҳрида очилиши режалаштирилаётган Туркиянинг Бурса Улудағ университети филиали ҳақида музокара олиб борилди.

Ҳар томонлама алоқаларни ривожлантириш мақсадида Бурса савдо-саноат палатаси ҳамда Савдо-саноат палатаси Фарғона вилояти ҳудудий бошқармаси билан яқин кунларда онлайн видеоконференция ташкил қилиш, вилоятларимиз раҳбарлари иштирокида навбатдаги кенгайтирилган видеоконференциянинг ўтказилиши ҳам режалаштирилиб олинди.

Марғилон шаҳрида Бурса Улудағ университетининг текстил муҳандислиги, пиллачилик саноати, ипак қурти зоти дурагайларини яратиш, тўқимачилик маркетинги, дизайнерлик ва савдоси йўналишлари бўйича филиалини очиш юзасидан электрон битим имзоланди, ҳозирда мулоқотлар олиб борилмоқда.

Фарғона вилояти ҳокимлиги Ахборот хизмати.

Facebook, Telegram, Веб сайт, YouTube

2020-07-03 18:38:46